

Kwa Kutazama Tunabadilishwa

Tazameni, ni pendo la namna gani alilotupa Baba, kwamba tuitwe wana wa Mungu.—
1 Yohana 3:1.

Kwa njia ya ustahilifu wa Yesu, kupitia kwa haki Yake, ambayo tumepewa kwa imani, tunapaswa kufikia ukamilifu wa tabia ya Kikristo. Kazi yetu ya kila siku na kila saa imewekwa katika maneno ya mtume: “tukimtaazama Yesu, mwenye kuanzisha na mwenye kutimiza imani yetu.” Tunapofanya hivi akili zetu huwa angavu zaidi na imani yetu huimarika na tumaini letu linathibitishwa; kisha tunajishughulisha sana na kuutazama usafi na uzuri Wake na kafara Aliyoitoa ili kutuleta katika mapatano na Mungu, kiasi kwamba hatuwezi kuwa na mwelekeo wa kungea juu ya mashaka na mambo ya kuvunja moyo.

Udhahirisho wa upendo wa Mungu, rehema na wema Wake na kazi ya Roho Mtakatifu moyoni huuongoa na kuumba upya, hutuweka, kwa njia ya imani katika uhusiano wa karibu sana na Kristo kiasi kwamba, kwa kuwa na uelewa dhahiri wa tabia Yake, tunapata uwezo wa kutambua udanganyifu stadi sana wa shetani. Tukimtaazama Yesu na tukiamini katika ustahilifu Wake tunajitwalia baraka za nuru, amani na furaha ndani ya Roho Mtakatifu. Na katika kuyatazama mambo makuu ambayo Yesu ametufanyia, tunakuwa tayari kutamka: “Tazameni, ni pendo la namna gani alilotupa Baba, kwamba tuitwe wana wa Mungu.”

Kaka na dada, ni kwa kumtaazama Yesu tunabadilishwa. Kwa kukaa katika upendo wa Mungu na Mwokozi wetu, kwa kutafakari utimilifu wa tabia ya Mungu na kudai haki ya Kristo kuwa yetu kwa imani, tunapata kubadilishwa katika sura iyo hiyo. Hivyo basi tusizikusanye pamoja picha zote zisizopendeza maovu na ufisadi na kukatisha tamaa, vilivyo ushahidi wa nguvu za Shetani ili kuning’inia kwenye kumbi za kumbukumbu zetu....

Mungu ashukuriwe, kuna picha angavu na zenye kufurahisha ambazo Bwana ameziwasilisha kwetu. Hebu na tukusanye pamoja uthibitisho wa Baraka za upendo Wake kama hazina za thamani, ili tuweze kuzitazama daima. Mwana wa Mungu akiacha kiti cha enzi cha Baba Yake, akiufunika Uungu Wake kwa ubinadamu, ili kwamba aweze kumwokoia mwanadamu kutoka kwenye mamlaka ya Shetani; ushindi Wake kwa niaba yetu, akimfungulia mwanadamu mbingu, akiyafunulia macho ya mwanadamu mahali ambapo Mungu huoneshea utukufu Wake; jamii iliyoanguka inakuwa imeinuliwa kutoka katika shimo la uharibifu ambapo dhambi imewatumbukiza na kuletwa tena katika uhusiano na Mungu wa milele na, akiwa amestahimili jaribio la Mungu kwa imani kwa Mkombozi wetu, alifunikwa katika haki ya Kristo na kuinulia hata katika kiti Chake cha enzi hizi ndizo picha ambazo kwazo Mungu anaamuru zifurahishe vyumba vya roho.

Na “tunapoacha kuviangalia vinavyoonekana, bali visivyoonekana,” tutathibitisha kuwa ni kweli kwamba “dhiki yetu nyepesi, iliyo ya muda wa kitambo tu, yatufanyia utukufu wa milele uzidio kuwa mwingi sana”

(2 Wakorintho 4:17, 18) (Testimonies for the Church 5:744, 745).